



SA EXAM PAPERS

**YOUR LEADING PAST YEAR EXAM PAPER
PORTAL**

Visit SA Exam Papers

www.saexam-papers.co.za



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREIDI YA 12

TSHIVENDA LUAMBO LWA HAYANI (HL)

BAMMBIRI LA VHUVHILI (P2)

LUHUHI/THAFAMUHWE 2015

MEMORANDAMU

MARAGA: 80

Memorandamu uyu u na masiatari a 22.

KHETHEKANYO YA A**VHURENDI: MARAGA DZA 30****MBUDZISO U BVA KHA 1–4****VHURENDI HO VHONWAHO (RANDELWAHO)****MBUDZISO YA 1 (MBUDZISO NDAPFU)**

KHA VHA DZHIELE NZHELE: Vha shumise adendamu iyi khathihi na rubriki i re mafhedziselonni.

ZWIFHONDO ZWO SALAHO ZWI ZWOTHE – NA Milubi**Maraga dzi avhelwe nga ndila yone:**

- Maraga dza 7 ndi dza mbuno.
- Maraga dza 3 ndi dza luambo. Dzone dzi avhelwe nga ndila hei:
 - Maraga 3 arali e kha khoudi 4–5
 - Maraga 2 arali e kha khoudi 3
 - Maraga 1 arali e kha khoudi 1–2

ADENDAMU**MARANGAPHANDA**

Vese yo vhumbwa nga maipfi o faredzaho thalutshedzo, ngeno thouni i ndila ine murendi a bvisela khagala vhupfa hawe, sa u takala, u sinyuwa, u gungula, na u sasalandza na zwiñwe.

MBUNO

Mitaladzi 1 na 2 i sumbedza vhana vha tshi dzula vho takala musi vha tshe na mme avho.

Mitaladzi 3, 4, 5 na 6 vhana vho vhulahelwa mme avho nga muthu we a tou dodela a sa vhonwi nga muthu.

Mitaladzi 7 na 8 vhana vho vhulahelwa mme avho musi vha tshe vhatuku, lune a vha koni tshithu.

Mitaladzi 9,10 na 11 vhana vha pfa vha sa pfesi u tuwa ha mubebi wavho ngeno vho vha fulufshedzisa uri a vha nga vha sii/ fhambani navho.

Mitaladzi 12 na 13 ho dina mbava ye ya da ya vha vhulahela mme avho.

Mitaladzi 14,15 na 16 vhana nga u vhulahelwa mme avho vha sala vhe vhusiwanani vhu no vhavha na u dina.

Mitaladzi 17 na 18 u vhulahelwa havho mme hu khagala vhai vhati vha vha sa athu u divhea vha tshe vho dzumbama.

Mitaladzi 19, 20 na 21 vhavhulahi vha mme a vhana vha do wanala vha divhea, vha konaha u rovhedzwa/hatulwa.

PHENDELO

Murendi o kona u shumisa vese/mitaladzi na thouni u bvisela khagala vhupfa hawe.

NB: [Mulingiwa a nga di amba nga u vhulahwa ha tshiqoni tsha sia zwifhondo two tangulwa].

[10]

MBUDZISO YA 2

NELSON MANDELA – LR Ndlovu

2.1 (Shangoni la Qunu) ho bebiwa nwana wa mutukana ✓ (Vho-Mandela) nga nwaha wa 1918.✓ (2)

2.2 Ndi thendokhodi (Ephiki). ✓ Murendi u khou khoda na u pembelela mabebo a muhali Vho-Mandela.✓ (2)

2.3 Ndi ngoho arali vha zwi divhe ndi musi vho tea u vha vho fara/alusa Vho-Mandela zwavhuqi vha tshi divha uri vha khou ya u vha murangaphanda wavho.✓✓ (Na zwinwevho zwi pfalaho). (2)

2.4 Mulaedza ndi wa uri vhathu kha vha aluse nwana munwe na munwe nga lufuno, ngauri a ri divhi zwine a do vha zwone matshelo. ✓✓ (2)

2.5 Ndi u sumbedza u pfa vhutungu nge pfunzo ya tshitalula ya 'Bantu Education' ya hotefhadza lushaka nge ha shaye vhatali vha ngaho Vho-Nelson Mandela.✓✓ (2)

[10]

MBUDZISO YA 3

A TODAHO MUNAMBA NDI NNYI? – TT Mudau

3.1 Murendi u tutuwedza vhathu uri vha diphine nga mbofholowo ye vha i wana zwi tshi kondi.✓✓ (2)

3.2 Ndi okzimoroni – u sumbedza uri nahri tshi khou diphiqa nga mbofholowo (ro takala), hu na vhanzhi vho tambulaho vha tshi i lwela (ri tshi lila).✓✓ (2)

- 3.3 Murendi u khou khwathisedza uri a hu na a sa funi zwivhuya (munamba, ndu^hu, tshikoli) zwo diswaho nga mbofholowo.√√ (2)
- 3.4 Murendi u amba nga maipfi a lemelaho a tshi eletshedza vhaswa vha Afrika Tshipembe uri mbofholowo na vhukimvi zwine vha diphina ngazwo vha songo tamba ngazwo, vha vho hangwa uri zwe^hthe hezwi zwo wanala nga murahu ha thambulo khulwane vhukuma.√√ (2)
- 3.5 Murendi u pfala a tshi khou kwengweledza vhathu uri vha songo hangwa zwe vha tambulisa zwone musi vha sa athu u wana mbofholowo. Murendi u shumisa ipfi 'pwashékanywa' na 'mbondo' zwi ambaho u thutha/fhelisa muvhuso wa tshi^htalula.√√ (Na zwiñwevho zwi pfalaho). (2)
- [10]

MBUDZISO YA 4

VHASWA VHA AFURIKA – TSHIPEMBE

- 4.1 Ndi u diimisela, vha shuma vha sa neti, u itela u diphina nga zwivhuya zwa shango l^havho.√√ (2)
- 4.2 Muñwe na muñwe u vho amba nga hune a funa vhunga mbofholowo ya u amba ro no vha nayo kha ndayotewa.√√ (2)
- 4.3 Tsho tea ngauri murendi u bvisela khagala uri vhathu vha songo ri vho wana mbofholowo yavhu^hdi vha tamba ngayo. √√ (2)
- 4.4 Ndi ndungekanyo ya murambaladzo/yo sendamaho/budekanaho √ ('ambare' kha 9, na 'ambarani' kha 10). Murendi o dovhola maipfi haya a tshi khwathisedza uri vhaswa vha litshe vhubva, vha shume nga maanda na nga vhudele uri vha kone u ranga phanda shango l^havho vha li bveledzise. √ (2)
- 4.5 Murendi u khou vhona shango lino li tshi do xelelwa nga zwivhuya zwa^hlo, zwa vho nga mafanedza arali mađadzwane/vhaswa vha^hlo vha sa shumesa (dzhena tshikolo).√√ (Na zwiñwevho zwi pfalaho). (2)
- [10]

NA

VHURENDI VHU SONGO VHONWAHO (RANDELWAHO)

MBUDZISO YA 5 (MBUDZISO PFUFHI)

NDI WANAFHI KHONANI – NK Phalanndwa

- 5.1 Murendi u ḥulutshela u wana khonani ine i si vhe na vhutshivha ya mu fha zwine ya vha nazwo. ✓✓ (2)
- 5.2 Mutualadzi/vese 3: 'Zwashu zwiphiri khanani zwa hoñelwa'. ✓ Ngauri u tama khonani ine ya nga vhulunga mafhongo avho a sa ñivhiwe nga vhariwe vhathu.✓ (2)
- 5.3 O kona ngauri u khou ḥoda khonani vhukuma i sa mu dzimi zwine a vha nazwo, ine ya wanala tshifhinga tshoñthe musi a tshi ḥoda/muthu ane a nga mu thusa e khakhathini/musi o hanganea.✓✓ (2)
- 5.4 Rifureini i kha mitaladzi 1, 2 na 5: 'Ndi wanafhi khonani ...'. ✓ Nga iyi ndovhololo murendi u khou khwathisedza uri khonani ya vhukuma ha athu i wana/a iho/u tama u wana khonani ya ngoho i mu thusaho kha zwothe/misi yoñthe. ✓ (2)
- 5.5 - Ndi ha u pfa vhuñtungu ngauri u tou nga ha khou kona u wana khonani ine ya vha na thuso kha vhutshilo hawe. ✓
- U pfa o hanganea ngauri khonani vhukuma ha i ñivhi, u humbela thuso kha Mudzimu. ✓
(Na zwiñwevho zwi pfalaho). (2)
[10]

THANGANYELO YA KHETHEKANYO YA A:

30

KHETHEKANYO YA B

NGANEA: MARAGA DZA 25

MBUDZISO U BVA KHA 6–11

MBUDZISO YA 6 (MBUDZISO NDAPFU)

TSHI DO LILWA – NE Phaswana

KHA VHA DZHIELE NZHELE: Vha shumise adendamu iyi khathihi na rubriki i re mafhedziseloni.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
 - Arali e kha khoudu 4–5 u wana maraga 4
 - Arali e kha khoudu 3 u wana maraga 3
 - Arali e kha khoudu 1–2 u wana maraga 2

ADENDAMU

MARANGAPHANDA

Siangane na fhethuvhupo

Siangane ndi nzulele na kuitele kwa zwithu kwa vhupo honoho zwine zwa fhedza zwi tshi ^{tu}tuwedza kutshilele kwa vhathu. Fhethuvhupo ndi fhethu hune mafhungo a khou bvelela hone two katela na tshifhinga tshine mafhungo a khou bvelela ngatsho. Mvumbo ndi zwine muanewa a vha zwone, a tshilisa zwone.

MBUNO

6.1 Dzhalagoma.

- Nganea iyi i khou bvelela **doroboni ya Thohoyandou** hune zwa vhugevhenga ha u homboka vhathu na dzibannga zwa vha two no anda vhukuma. Fhethuvhupo na siangane zwa dorobo ya Thohoyandou zwi ^{tu}tuwedza Dzhalagoma u dzhena kha vhugevhenga ha u homboka vhathu tshelede na dzigoloi.
- I dovha hafhu ya bvelela **kerekene** hune ra hu ^{di}vhela uri vhakereki vha nea munikelo, tshafumi, vhu^{tanzi}, theru ya vhafunzi na u shuma ha Muya Mukhethwa kha u shundukisa mvumbo dza vhathu, izwi two ^{tu}tuwedza u shanduka ha Dzhalagoma we a vha o ya u homboka, a tshi rembuluwa a vho vha mutendi.
- **Khothe** ndi he Dzhalagoma a shanduka ^{thanzi} ya muvhuso nga murahu ha musi o fariwa.

6.2 Vho-Emeli.

- Mafhundo a nganea iyi a kwama **muta** hune ha vha na vhana, nn̄du, thundu, zwiambaro na goloi. Izwi zwi ita uri vha di ita zwikolodo vha tshi ya naho zwi tshi khou vhonala uri zwi khou vha homela. Vho-Emeli vha ita uri muqini hu rengwe thundu ya nduni ya maimo a nthā nga tshikolodo. Vha renga zwifuko zwi duresaho nga tshikolodo ngeno na vhana vha tshi dzhena zwikolo zwa u dura. Vho-Emeli sa mufumakadzi vha funa zwa nthā uri vha vhonale vhe vha khwine kha shango la musalauno la mutatisano.
- **Zwikolo zwa Pietersburg**
Ri hu divhela u vha zwikoloni zwavhuđi, nahone zwi no dura vhukuma na u kona u gudisa tshikhuwa. Izwi zwi tutuwedza Vho-Emeli uri vha ise vhana vhavho hone.
- **Yunivesithi** ndi he Vho-Emeli vha vha vha tshi shuma hone. Izwi zwi tutuwedza uri Vho-Emeli vha wane vharengi vha mbanzhe.
- **Tshitandani** ndi fhethu ha nthā, ha nn̄du dza u dura, izwi zwi tutuwedza Vho-Emeli nga u vha funa zwa nthā, vha kombetshedza Vho-Luvhone u renga iriwe nn̄du ya dici no dura.

PHENDELO

Muñwali o kona u farekanya siangane na fhethuvhupo zwe zwa fhedza zwi tshi bvisela khagala mvumbo ya Dzhalagoma na Vho-Emeli na kutshilele kwavho.

[25]

MBUDZISO YA 7 (MBUDZISO PFUFHI)

TSHI DO LILWA – NE Phaswana

- 7.1 Ndi khudano ya nga nn̄da.✓ Khudano i simuwa musi Vho-Emeli vha tshi halishela Vho-Luvhone ngauri vha tou nga vhone (Vho-Luvhone) a vha funi avha vhañhannga vhavhili vha tshi vha rengulula/bvisa tshandanguvhoni kha mapholisa uri vha vhofhololwe kha mulandu we vha farelwa wone.✓ (2)
- 7.2 Vho-Luvhone vha vhone Vho-Emeli sa muthu a si na tsha khanani nga u sokou amba mafhundo fhethu hu songo teaho, nahone a sa tod̄i u thetshelesa/pfa tsha muñwe, a dovha hafhu a vha na lunyadzo. ✓✓ (2)
- 7.3 Dzhalagoma u a funa u thusa vhañwe vhathu vho hanganea, ngeno Luambo a muthu wa u hofhola. ✓✓

KANA

Dzhalagoma u tshila nga vhugevhenga, ngeno Luambo e ramabindu. ✓✓ (2)

- 7.4 Nyito i takuwaho/u bveledza mafhongo. ✓ Ngauri vhaanewa avha vha kha di bvela phanda na vhugevhenga, hune ha khou alusa thaidzo uri i ye mathakheni.✓ (2)
- 7.5 Kutshilele kwa Dzhalagoma na khonani dzawe kwa vhugevhenga na tshandanguvhoni na mapholisa ku tutuwedza Vho-Emeli uri vha bvele phanda na u rengisa mbanzhe. ✓✓ (2)
- 7.6 Dzhalagoma na khonani dzawe vho vha vhe na muhumbulo wa u do homboka kereke vha pfuma, fhedzi Dzhalagoma a mbo di dzhiwa nga muya a vho rembuluwa a bvukulula/ambulula tshiphiri tshothe. Sa vhaswa zwi vha gudisa uri muthu u a shanduka vhutshiloni ✓✓✓ (3)
- 7.7 Ndivho ya muñwali ndi u sumbedza uri arali muthu a vha na vhuhovheleli ha u funesa zwa ntha u fhedza o didzhenisa kha zwikolodo zwi lemelaho/Muthu kha fushee nga zwine a vha nazwo zwa sa ralo u do fhedza o didzhenisa kha mabindu ane a lwa na mulayo wa shango a vho fhedza o fariwa.✓✓✓ (3)
- 7.8 Muñwali u ri nea Vho-Luvhone vhe muthu ane a tendelela zwine zwa itwa nga mufumakadzi wawe, ngauralo Vho-Emeli vho vha shumisa u didzhenisa kha milandu na vhugevhenga nga u vhona u tenda havho u langiwa nga musadzi. ✓✓ (2)
- 7.9 Vho-Emeli vha vhona Vho-Luvhone vhe muthu wa goswi a si na tshivhindi.✓
Vho-Emeli vha dzhia Vho-Luvhone vhe muthu ane a nga vha rengisa kha mapholisa. ✓ (2)
- 7.10 Ee, zwi a itea khothe, muthu a ambaho ngoho a nga shanduka thanzi ya muvhuso, a nea vhutanzi ha zwe the zwe bvelelaho. ✓✓ (2)
- 7.11 Ndo vha ndi sa do tenda u langiwa tshothe nga mufumakadzi. ✓
Ndo vha ndi sa do litsha mushumo. ✓
Ndo vha ndi sa do dzhena kha vhugevhenga. ✓
Ndo vha ndi tshi do ya kha vhaletshedzi vha zwikolodo. ✓
Ndo vha ndi tshi do shumela tshigwevho tsha zwe nda ita. ✓
(Zwiraru fhedzi na zwinwevho zwi pfalaho) (3)
[25]

MBUDZISO YA 8 (MBUDZISO NDAPFU)

BULAYO LO TALIFHAHO – AW Magau

KHA VHA DZHIELE NZHELE: Vha shumise adendamu iyi khathihi na rubriki i re mafhedziseloni.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) maraga dza 6
- Luambo: maraga 4 dzo avhelwa nga ndila hei:
 - Arali e kha khoudou 4–5 u wana maraga 4
 - Arali e kha khoudou 3 u wana maraga 3
 - Arali e kha khoudou 1–2 u wana maraga 2

ADENDAMU

MARANGAPHANDA

Siangane na fhethuvhupo

Siangane ndi nzulele na kuitele kwa zwithu kwa vhupo honoho zwine zwa fhedza zwi tshi tutuwedza kutshilele kwa vhathu. Fhethuvhupo ndi fhethu hune mafhungo a khou bvelela hone zwo katela na tshifhinga tshine mafhungo a khou bvelela ngatsho. Mvumbo ndi zwine muanewa a vha zwone, a tshilisa zwone.

6.1 Vho-Lugisani.

- Mafhungo a bugu iyi a khou bvelela mahayani kha ja **Mphagane** hune ha vha na mivhundu yo fhambanaho ine ya vha Tshiozwi, Dovhoni, Marombeni na Hamutiba. Milandu i sengiwa **khoroni** khulwane Mphagane arali yo bala kha magota. Vho-Lugisani sa murado wa khor ya shango vho vha vha tshi lwela/imelela vhathu vha si na milandu khoroni ngeno mirado miñwe ya khor i tshi vha vhona mulandu ngauri vho vha tshi tevhela ngoho ya mafhungo.
- Vho-Lugisani vha pfa na u thetshelesa zwine vhothovhela vha amba. U ya nga kuitele kwa **mahayani na mvelele** khosi i tea u pfiwa naho zwine ya amba zwi sa pfesesei.
- Vho-Lugisani vha tenda vhothovhela vha tshi ri vha pfuluwe Tshiozwi vha ye u dzula Dovhoni naho zwi tshi vha humisela murahu kha mabindu avho.
- Vho-Lugisani vha tenda u ya **Dovhoni** vha dzula muñini wa Madilonga he ha vha hu na nnđu, tshitanga na dulu zwo fullewaho nga mahatsi vha sia muñi wavho wavhudí.

- Vho-Lugisani vho ḋo ya **Johannesburg** he vha swika vha galatsha Vho-Nethononda na Vho-Makhado uri vha fhaṭe midi yavho Dovhoni uri vha vha thusē u bveledza shango ḥa Dovhoni.
- Vho-Lugisani vha tenda u ḥangwela vhothovhela Mphaga nga murahu ha phambano khulu ya vhuhosi, he vha fhedza vho vhulahelwa na ḥiwana fhedzi vha tenda u vhewa vhuhosi kha shango ḥa Dovhoni.

6.2 Vho-Mandiwana.

- Vho-Mandiwana ndi mudzulatshidulo wa khorō khulwane ya **Mphagane** hune mafhungo a tsengo a tshewa ngavho.
- Vho-Mandiwana vha ḥoda u ḥa nga u shumisa tshandanguvhoni kha vhahwelelwa afho **musanda**. Vha haṭula Vho-Sandani Mawelewele uri vha lifhe tshelede vha songo khakha ngeno ho khakha Vho-Mandiwana nge vha haṭula milandu ngeno mariwe mashango a sa athu ḫivhadzwa. Vha bvisisa Vho-Tshikweta rannda dza fumbili vha tshi vha fulufhedzisa uri vha ḋo vha tshimbidzela mulandu wavho zwavhuđi.
- Vho-Mandiwana vha ḋisa muhumblo wa uri vhaṭhannga vha lidze tshikona madekwana maňwe na maňwe, u vusa zwitambo na thondo na u isa vhaṭhannga vha songo fumbaho muļani. Ane a sa ḋo tevhedza zwenezwo u ḋo lifha nga rannda dza fumi.
- Nga ḥiwambo wa vengo na vivho, Vho-Mandiwana vha langana na Vho-Mukhotho uri vha vhulahe Vho-Lugisani nga tshiganame. Vha ḥekedza ḥiwana wavho ane a pfi Vho-Sara we a vha a tshi dzula **Tshiozwi** uri a shelele Vho-Lugisani mushonga halwani.

PHENDELO

Muiwali o kona u farekanya siangane na fhethuvhupo zwe zwa fhedza zwi tshi ḥutuwedza na u bvisela khagala mvumbo ya Vho-Lugisani na Vho-Mandiwana na kutshilele kwavho.

[25]

MBUDZISO YA 9 (MBUDZISO PFUFHI)

BULAYO LO ḥALIFHAHO – AW Magau

9.1 Khudano yo vhangwa nga vhutshivha, vhubva, zwitshile, vuvu, vivho, vengo, na gonyololo, nge Vho-Lugisani vha vha tshi dzulela u amba ngoho khoroni.✓✓ (2)

9.2 Vho lutanya Vho-Lugisani na Vho-Nyamalwela Singo nge vha ḥiwala vhurifhi vha pometschedza uri ho ḥivalwa nga Vho-Lugisani vha tshi ḥodou dzhiela vho Vho-Nyamalwela vhuhosi.✓✓ (2)

- 9.3 Mut̄a wa Vho-Lugisani wo vha wo dzudzanye/u na mulalo/wo vuðav' ngeno wa Vho-Mamidze wo vha u songo vuða, u si na mulalo. ✓ (2)
- 9.4 Ndi musi Tshammbenga a tshi thaipha vhurifhi ho riwalwaho nga Vho-Mamidze ha u zwifhela Vho-Lugisani uri vha khou vhanga vhuhosi ha Dovhoni, zwine zwa mu vhengisa nga Vho-Lugisani/Musi Tshammbenga a tshi pora muði wa Vho-Lugisani liiwe la tombo la fhedza lo rwa thoho ya ñwana Mukandangalwo a mbo di lovha, na zwone zwi ñanisa vengo khae.✓✓✓ (3)
- 9.5 Ri guda uri musi u tshi vhambela muñwe muthu maano mavhi, musi zwi tshi vho bvela khagala zwi fhedza ho no vha iwe ane a wela khomboni.✓ Vho-Mamidze na khonani dzavho vho lukela Vho-Lugisani maano mavhi a uri vha pandelwe shangoni ha vho fhedza ho pandelwa vhone. ✓✓ (3)
- 9.6 Ndi tsha thusululo/mafshedzele/magumo.✓ Tshiphiri tsha tshikwekwe tsha Vho-Mamidze na khonani dzavho tshi bvela khagala. ✓ Vhamusanda vha dzhia tsheo ya u pandela Vho-Mamidze na khonani dzavho. ✓ (3)
- 9.7 Muñwali u ri ñisela Vho-Mphaga vhe khosi i imaho na ngoho, izwi ri zwi vhona musi vha tshi pandela Vho-Mamidze na khonani dzavho vhe vha vha vho ñala tshimbevha.✓✓ (2)
- 9.8 Muthu u kana zwe a zwala, arali a tshila nga ndila i songo lugaho, u do ñivhiwa nga zwithu zwivhi, na zwivhuya zwine a ita zwi fhedza zwi si tsha vhonala. Vhafunzi Vho-Mamidze na khonani dzavho vho fhedza vho shakuliswa nga ñwambo wa zwiito zwivhi. ✓✓✓ (3)
- 9.9 Zwi a tendisea, ngauri hu na vhatu vha no ñodou vhona muthu a tshi tambula nge vha mu vhambela maano mavhi kana u mu retshela zwikwekwe. ✓✓ (Na zwiñwevho zwi pfalaho). (2)
- 9.10 - Ndo vha ndi tshi nga vhona uri vhaletshedzi vhanga vha vhe vhatu vha fhulufhedzeaho vhukuma.✓
 - Ndo vha ndi tshi nga lwa na mazwifhi na zwitsheli. ✓
 - Ndo vha ndi tshi nga tuñuwedza pfunzo na mvelaphanda na u ima na vhatu vha shango vha imelaho zwenezwo. ✓
 (Na zwiñwevho zwi pfalaho). (3)
- [25]

MBUDZISO YA 10 (MBUDZISO NDAPFU)

MAFELADAMBWA – NE Sigogo

KHA VHA DZHIELE NZHELE: Vha shumise adendamu iyi khathihi na rubriki i re mafhedziseloni.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
 - Arali e kha khoudi 4–5 u wana maraga 4
 - Arali e kha khoudi 3 u wana maraga 3
 - Arali e kha khoudi 1–2 u wana maraga 2

ADENDAMU

MARANGAPHANDA

Siangane na fhethuvhupo

Siangane ndi nzulele na kuitele kwa zwithu kwa vhupo honoho zwine zwa fhedza zwi tshi ^{tu}tuwedza kutshilele kwa vhathu. Fhethuvhupo ndi fhethu hune mafhungo a khou bvelela hone two katela na tshifhinga tshire mafhungo a khou bvelela ngatsho. Mvumbo ndi zwine muanewa a vha zwone, ndi kutshilele kwawe na kuvhonele kwawe kwa vhutshilo.

MBUNO

Mawela

- Mafhungo a iyi bugu a khou bvelela **mahayani** (naho hu sa tsha tou vha Venda la mulovha tshothe kwa), muvhunduni wa **Tshanowa** ngei **Domboni** he Mawela a bebelwa na u alutshela hone.
- Mahayani vhathu vha a tshivhana na u itelana mavivho, nahone vhathu vhanzhi vha kha ^{di} vhuswa nga vhutendatenda. Hezwi zwi ^{tu}tuwedza Mawela u vha na vhutendatenda kha zwa vhuloi. Musi Mawela a tshi pfa zwauri mmbwa ye ya vha i kha saga a si mmbwa ndi phele, o tou zwi dzhia two ralo, ngauri zwi a ambiwa na u tendiwa mahayani.
- Musi hu tshi pfī Vho-Maemu ndi muloi nahone vha khou mu gadisa phele na zwenezwo o zwi tenda.
- Mawela o aluwa a tshi pfa uri muloi u a fhiswa ngei **mahayani**. Ndi zwone two ^{tu}tuwedzaho muhumbulo wa u ^{to}dou fhiswa Vho-Maemu na mu^{ta} wo^{te}.
- Ndi muthannga we a vha a tshi dzhena tshikolo **Yunivesithi** ya Natal. O vha e mura^{do} wa khoro ya matshudeni. Mafhungo a makhomorethe a wanala na henengei Yunivesithi.

- U nwalela luiwalo khonani yawe a tshi ri u ḥoda u fhisa mudi wa Vho-Maemu.
- U ḥodela Vho-Maemu makhomurethe uri vha mu thuse kha u vha fhisedzela.
- Mafhundo a bugu iyi a bvela phanda ngei **khothe** he Mawela a vha a tshi khou senga mulandu wa u ḥodou vhulaha he a gwevhelwa u dzula dzhele miwaha ya fumbilimbili.

Vho-Matodzi.

- Ndi mukegulu vho alutshelaho **mahayani**, nahone vho faraho tshilala.
- Ndi muthu a tendaho uri nanga dzi amba ngoho.
- Tshiñwe na tshiñwe tshine tsha bvelela, arali vha sa tshi pfesesi vha ya vha vhonisa **dzinangani** kana **mingomeni**.
- Ri vhona vha tshi gidimela u ya u vhonisa nga ha saga lo hwalaho mmbwa yo faho uri li dela mini **giratshini**. Zwe nanga ya vha vhudza vho zwi tanganedza uri ndi ngoho ngauri khavho nanga ndi yone ambadzifhele.
- Zwa dzinanga zwi vha sia vha tshi zwifha. Mazwifhi a a lutanya. O fhedza o lutanya Vho- Sara na khonani yavho Vho-Maemu.
- Mafhundo a zwa mapholisa na **dzikhøthe** vha a a shavha ngauri a vho ngo aluwa ngazwo. Musi Mawela o farwa vho vha tshi tou lila. Vho vha sa funi musi hu tshi ambiwa uri vha do tea u ya u nea vhutanzi khothe.
- Mukegulu avha vho vha na ḥuthuwedzo i si yavhuđi kha vhutshilo ha Mawela muđuhulu wavho.

PHENDELO

Muiwali o kona u farekanya siangane na fhethuvhupo zwe zwa fhedza zwi tshi bvisela khagala mvumbo ya Mawela na Vho-Matodzi na kutshilele kwavho.

[25]

MBUDZISO YA 11

MAFELADAMBWA – NE Sigogo

- 11.1 Mawela o pfa uri vha muta wa ha Lialama ndi vhone vhane vha khou mu lowa, a humbula u vha fhisela nduni. ✓✓ (2)
- 11.2 Mafhundo ayo o sinyusa Vho-Matodzi, vha vho humbula u ya nangani, uri vha wane ngoho ya dambi heli. ✓✓ (2)
- 11.3 Vho-Ramasunzi ndi munna o diimisaho kha lutendo lwa Tshikhiresite/a vha tendi kha dzinanga na mingome, vha amba ngoho fhedzi, ✓ ngeno Vho-Sara a mufumakadzi ane a tenda kha zwa vhuloi/vha a zwifha vha tshi itiswa nga hone vhutendatenda havho kha dzone nanga. ✓
(Zwivhili fhedzi) (2)

- 11.4 Mmbwa yo wanalaho giratshini yo tou hakiwa nga goloi ya i kokodza u swika giratshini; hezwi zwi vho shandwa sa mmbwa yo tou dzeniswaho nga madambi a vhuloi afho ngomu giratshini, izwi ha mbo vha u shanda ngoho ya zwe bvelelaho.√√ (2)
- 11.5 Ndi musi a tshi pfa mafhungo a uri u khou gadiswa phele, ene a vho a wela nga nt̄ha a zwi tenda, a vho kuvhanganya makhomorethe uri vha fhise muđi wa ha L̄ialama/Ndi musi a tshi pfa vhakegulu vha tshi amba nga ha vhuloi na dzinānga na ene a sokou zwi tenda sa ngoho.√√ (2)
- 11.6 Ri guda uri n̄anga dzi a zwifha, nahone kha ri dzi thanyele.
Vho-Muraga vho zwifhela Vho-Mat̄odzi uri mmbwa ye ya vha i sagani ndi phele. √√ (2)
- 11.7 Zwe thusa u nea/vula tshikhala vhukati ha zwiwo, uri vhutanzi vhu tshi sala vhu tshi swika, √ vhathu vha do vha vho no kona u guda uri mazwifhi √ na vengo a zwi vhuedzi tshithu.√ (3)
- 11.8 U bveledza kuhumbulele ku sa fani u itela u tot̄omodza puloto ya bugu. Muñwali o vha netshedza vhe munna a sa tendi k̄ha zwa vhuloi nahone ane a ima na ngoho, ndi zwe ngazwo vha sa ime na Mawela a tshi tenda zwa vhuloi lwe a vho farwa nga mapholisa a tshi todou fhisa muđi wa ha L̄ialama. √√ (2)
- 11.9 Thero ya bugu iyi ndi u sasalandza vhutendatenda kha zwa vhuloi. Vho-Ramasunzi vha khou hanedza/kanakana uri madambi o ralihha konadzei vhutshiloni. (Na zwiñwevho zwi pfalaho). √√ (2)
- 11.10 A li tendisei, ngauri muthu a nga si vhenge muthu naho hu tshi pfi o khakha, wa tama u tou mu vhulaha na mut̄a wawe wothe nga u tou mu fhisedzela nduni./Li a tendisea, ngauri hu na vhathu vhane vha vhenga muthu musi o vha khakhela vha tama na u tou mu vhulaha. √√ √
(Na zwiñwevho zwi pfalaho). (3)
- 11.11 - Ndo vha ndi tshi do thoma nda sedzulusa uri mmbwa i re sagani i nga vha yo disa hani.
- Ndo vha ndi sa do tenda makhadzi na vhainwe vhathu vha tshi shela maya u si wavhud̄i kha vhana vhanga.
- Ndo vha ndi tshi do humbela thuso ya vhadihvi vha zwa matshilisano uri vha de vha ambe na vhananga vha bve kha maya wa vhusilivhindi.
- Ndo vha ndi tshi do humbela thuso kha vhafunzi uri vha rabelele mut̄a wanga uri u bve kha nyimele heyi. √√ √
(Na zwiñwevho zwi pfalaho). (3)

[25]

KHETHEKANYO YA C**DIRAMA: MARAGA DZA 25****MBUDZISO U BVA KHA 12–15****MBUDZISO YA 12 (MBUDZISO NDAPFU)*****HA U TSA NDI HA U GONYA – LL Mafenya na NA Milubi******KANI-HA VHA TOU DILWELA – LL Mafenya***

KHA VHA DZHIELE NZHELE: Vha shumise adendamu iyi khathihi na rubriki i re mafhedziseloni.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
 - Arali e kha khoudou 4–5 u wana maraga 4
 - Arali e kha khoudou 3 u wana maraga 3
 - Arali e kha khoudou 1–2 u wana maraga 2

ADENDAMU**MARANGAPHANDA**

Thero ndi nwongo wa mafhungo une muñwali a tama vhavhali vha dirama vha tshi u pfa na u u divha. Nga iyo thero ri kona u wana milaedza yo fhambanaho ine muñwali vha ḥoda ri tshi i guda vhutshiloni hashu.

MBUNO

- Muñodo/Thero ya mafhungo ndi u kandekanywa ha pfanelo dza vhafumakadzi.
- Mafhungo a u kandekanywa ha pfanelo dza vhafumakadzi vha fhedza vha songo vhonwa mulandu, naho hu tou dzula zwaho dzhele, ndi ane vhafumakadzi vha khou amba nga hao vho a vhala kha guranna.
- Vhafumakadzi vha humbula u dzhia vhukando ha u lwela pfanelo dzavho nga u tou amba/tereka/matsha.
- Vhafumakadzi vha ḥtuwedza vhurangaphanda uri vhu dzhiele n̄tha fhungo ili uri li do kona u ambiwa nga ḥuvha la vhafumakadzi.
- Fhuno ili lo do dzheniswa na kha adzhenda ya muñangano wa ligi ya vhafumakadzi.
- Fhuno ilo lo dzudzanyelwa na ḥoho ine la do ambiwa nga fhasi hayo.

- Ho dzudzanyiwa tshambi tshire tsha do amba nga duvha la vhafumakadzi tsho disendeka kha thoho ye tsha randelwa yone.
- Vhafumakadzi vha humbula na u ita mugwalabo nga ha fhungo ili, vha tshi isa mbilahelo dzavho ngei mapholisani, uri vhathe vho farwaho vha songo tsha newa beili, arali vho farelwa milandu ya u tshipa na u kandekanya pfanelo dza vhafumakadzi.
- Vhafumakadzi vha nwala linwalo la u humbela u matsha, vha tshi lwela pfanelo dzavho.
- U divhadziwa ha rali ya vhafumakadzi nga la 9 Thangule.
- Mulaedza wo nekedzwaho duvha la rali nga tshambi tsha duvha u lwa tshothe na u tambudzwa ha vhana na vhafumakadzi.
- U sa dzhielwa ntho ha fhungo lo ambiwaho ralini vhunga thaidzo ye vha vha vha tshi khou lwela i tshi khou di bvela phanda.

PHENDELO

Munwali o kona u bvisela miumbulo i re afho ntho khagala, a tshi itela u fha muhumbulo muhulwane, une wa khunyelela musi vhafumakadzi vha tshi vho tou dilwela nga u dzhia mulayo vha u vhea zwandani zwavho.

[25]

MBUDZISO YA 13 (MBUDZISO PFUFHI)

VHA DILINDE – NA Milubi

- 13.1 Mushumo wa Vho-Funani (siangane yawo) u kombetshedza uri vha ite vha tshi ya mitanganoni tshifhinga tshothe; hezwi zwi ita uri vha lingee musi vho tangana na vhafumakadzi vha sa fulufhedzei sa Wanani. ✓✓ (2)
- 13.2 A kwama tshipida tsha thasululo/mafhedzele/magumo. ✓ Ndi musi mafhungo a dirama a tshi fhela ngoho yo bvela khagala. ✓ (2)
- 13.3 Funani u thoma u da da nge a divha uri Wanani u na AIDS, a vho thoma u vhudzisesa na u ambela ntho. ✓✓ (2)
- 13.4 Wanani ndi mutambi ane a funesa vhanna/ ngeno Kani e muthu wa mvumbo yo dzudzanyeaho. ✓/Wanani u na vairasi ya AIDS ✓ ngeno Kani o difara a si vhe na vairasi ya AIDS. ✓ (Nthihi fhedzi). (2)
- 13.5 U thusedza u anetshela uri Funani o vha na vhushaka ha zwa vhudzekani na Wanani musi vhe mutanganoni. ✓✓ (2)
- 13.6 Khudano ya nga ngomu. Funani o vha na thaidzo ngomu hawe ya u divha uri muthu we a ita nae zwa vhudzekani a songo tsireledza u na vairasi ya AIDS. ✓ (2)

- 13.7 Vho-Funani vhone vha khou ima na mufumakadzi wavho uri a vhaho kha zwa u ɖidzhenisa kha zwa vhudzekani na vhafumakadzi vha ngaho Wanani, ngeno ngoho i ya uri vhukuma vho zwi ita - hafha ndi u shanda ngoho. (Izwi zwi hanedzana na zwine a amba afho). ✓✓✓ (3)
- 13.8 Tshifhinga tsha zwino hune vhanna na vhafumakadzi a vha tsha fulufhedzea zwi tshi da kha zwa vhudzekani, ✓ nahone ho no ɖalesa malwadze manzhi sa AIDS.✓ (2)
- 13.9 Funani o dada a tshi pfa u pfi mufunwa wawe u na AIDS. Ndi ngazwo a si tsha kondelela u thetshelesa a tshi isa phanda, o mbo di taku a shavhela thoilethe, na lutamo lwa zwiliwa lwo ʈuwa.✓✓✓ (3)
- 13.10 Ee, ngauri u sa fulufhedzea ha munna wavho ho disa vairasi mudini, ine na vhone i nga kha di vha kavha. ✓✓ (Na zwinwevho zwine zwa pfala). (2)
- 13.11 Ndo vha ndi tshi do ya u ita ndingo. ✓
 Arali nda wanala ndi na tshitshili tsha AIDS, ndo vha ndi tshi do ya kha vhaletshedzi. ✓
 Ndo vha ndi tshi do dzhia dzilafho lo randelwaho AIDS. ✓
 Ndo vha ndi tshi do phulela mufumakadzi wanga tshiphiri tsha uri ndi na AIDS. ✓ (Tharu fhedzi na zwinwevho zwine zwa pfala) (3)
 [25]

MBUDZISO YA 14 (MBUDZISO NDAPFU)

MILOMO YA NUKALA – NP Nefefe

KHA VHA DZHIELE NZHELE: Vha shumise adendamu iyi khathihi na rubriki i re mafhedziselon.

Maraga dza tshivhumbeo na luambo dzi avhelwe nga ndila i tevhelaho:

- Tshivhumbeo: (Mathomo, mutumbu, magumo) maraga 6
- Luambo: maraga 4 dzo avhelwa nga ndila hei:
 - Arali e kha khoudi 4–5 u wana maraga 4
 - Arali e kha khoudi 3 u wana maraga 3
 - Arali e kha khoudi 1–2 u wana maraga 2

ADENDAMU

MARANGAPHANDA

Thero ndi riwongo/mutodo wa mafhungo une muriwali a tama vhavhali vha ɖirama vha tshi u pfa na u u ɖivha. Thero iyi i bvisela khagala milaedza yo fhambanaho ine riñe sa vhavhali ra tea u i guda vhutshiloni hashu. Yo ɖisendeka kha zwa u tambudzwa ha vhana na vhafumakadzi.

MBUNO

- Thaidzo i simuwa musi Vho-Bukuta vha tshi tambudza vhana vhavho Tsumbedzo, Ntshengedzeni na mufumakadzi wavho.
- Vha rwa Tsumbedzo nge vha wana a songo sheledza miri, Vho-Takalani vha tshi lingedza u kaidza na vhone vha semiwa.
- Vha kombetshedza Ntshengedzeni uri a e死刑 navho tshihulwane ngeno e ńwana wavho wa malofhani.
- Vho-Bukuta vha sema Tsumbedzo hu u mu thivhela uri a sa ődowelane na khaladzi awe Ntshengedzeni.
- Vho-Bukuta a vha dzheneli kha mafhuno a tshikolo tsha Tsumbedzo.
- Vha a mu rwela u dzula na mme awe Vho-Takalani vha tshi ri ha khou ita zwa u vhala bugu dza tshikolo.
- Vha isa phanda na u kombetshedza u ita zwa vhudzekani na ńwana wavho Ntshengedzeni ngeno zwo khakhea vhukuma.
- Musi Ntshengedzeni o shavhela ha makhadzi wawe Vho-Mutshewa, Vho-Bukuta vha a mu tevhela vha fhedza vha mu rwela henengei.
- Musi Vho-Bukuta vha tshi vhidzwa tshikoloni vha amba uri Ntshengedzeni ha na thaidzo.
- Ntshengedzeni u ya ha vhashumelavhapo a fhedza o iswa sibadela u őtolwa, a wanala o vhifha muvhilini.
- Vho-Bukuta a vha őthonifhi mufumakadzi wavho Vho-Takalani, vha a semiwa vha dovha vha rwiwa.
- Vho-Takalani vha rwelwa u vhudzisa mafhuno a u lala ha Vho-Bukuta na Ntshengedzeni, vha vho fhedza vho rwelwa zwenezwo.
- Vho-Bukuta vha fhedza vho farelwa u shengedza Ntshengedzeni lwa vhudzekani
- Vho-Bukuta vho fhedza vho gwevhelwa u dzula dzhele vhutshilo havho hothe.

PHENDELO

Muńwali o kona u bveledza theromuhumbulo muhulwane nga u bvisela zwiito zwa Vho-Bukuta khagala sa muanewa dendele ngauri vho fhedza vho kana mitshelo ya kutshilele kwavho kuvhi.

[25]

MBUDZISO YA 15 (MBUDZISO PFUFHI)***MILOMO YA NUKALA – NP Nefefe***

- 15.1 Khudano ya nga ngomu. ✓ Ntshengedzeni u na thaidzo ine ya khou mu onza nga ngomu hawe ine ha ^{todi} na u i vhudza Tsumbedzo, ndi ngazwo o kombetshedzea na u mu zwifhela.✓ (2)
- 15.2 Tsumbedzo ndi muanewa ane a tikedza na u ^{nea} ngeletshedzo khaladzi awe.✓ U bveledzwa e muthu ane a kondelela khaedu dzi kondaho. ✓ (2)
- 15.3 Mafhungo aya a bvisela khagala uri Ntshengedzeni hu na zwe zwa itea khae murahu, zwa u rwiwa na u kombetshedzwa u dzhena kha zwa vhudzekani na khotsi awe. ✓ ✓ (2)
- 15.4 Ntshengedzeni u vhonala e na thaidzo ine ya khou mu vhavha.✓ U onda na u ^{tungufhadzwa} nga thaidzo ine a khou ^{tangana} nayo. ✓ U amba hawe ho dala u gungula. ✓ (Na zwiñwe zwi pfalaho). (3)
- 15.5 A hu na vhungoho, ngauri Ntshengedzeni o vha a tshi khou dzumba zwe a vha a tshi khou itwa nga khotsi awe, zwino u vho zwi shanda ha vho nga u khou vhaiswa nga u tambudzwa ha Tsumbedzo. ✓✓✓ (3)
- 15.6 Mulaedza ndi wa u kaidza vhokhotsi uri vha songo ita zwa vhudzekani na vhana vhavho, ngauri mulayo u ^{do} vha dzhiela vhukando. ✓ Vho-Bukuta vho kombetshedza u ita zwa vhudzekani na riwana wavho, vha vho fhedza vho farwa. ✓ (2)
- 15.7 Mafhungo a u tambudzwa ha Ntshengedzeni na Tsumbedzo ho bulwaho afho mafhungoni ho fhedza ho ita uri Vho-Bukuta vha fariwe, ✓nahone vha fhedza vho gwevhiwa u dzula dzhele vhutshilo havho ho^{the}.✓ Ntshengedzeni o fhedza e muimana. ✓ (3)
- 15.8 Mu^{tan}i hune Vho-Takalani vha dzulela u vha vhe siho vhe mushumoni, zwi vha na ^{thu}thuwedzo ya uri Vho-Bukuta vha ite zwa vhudzekani na Ntshengedzeni.✓ Musi Vho-Bukuta vha tshi disendedza tsini na u funesa Ntshengedzeni zwi na vhushaka na uri a songo phula tshiphiri tsha zwine a khou itwa.✓ Musi Vho-Bukuta vha tshi tambudza Tsumbedzo na u sema Vho-Takalani zwi na vhushaka na uri muñwe na muñwe afha mu^{tan}i a dzule o tshuwa uri vha kone u bvela phanda na maitele avho. ✓ (3)
- 15.9 Hai, ngauri u ^{tan}a vhuada vhune vha ita uri vha fhedze vho farelwa zwiito zwavho zwivhi. ✓✓ (2)

- 15.10 - Kha hu vhe na u funzwa ha vhathu (na vhana) nga ha pfanelo dza vhathu.
- Vhokhotsi kha vha vhumbe madzangano ane khao vha nga eletshedzana nga ha matshilisano miṭāni.
- Vhashumelavhapo kha vha eletshedze vhathu nga ha vhuāda hovhu, na u vha shandukisa kuhumbulele kwavho.
- Mulayo kha u khwāthise tshanda u itela u shushedza vhanna uri vha si didzhenise kha zwa u tambudza vhana na vhafumakadzi.
- Žwikeloni kha hu tholwe vhaeletshedzi (counsellors) vha u eletshedza vhana na vhadededzi. ✓ ✓ ✓
(Na zwiñwevho zwi pfalaho).

(3)

[25]

THANGANYELO YA KHETHEKANYO YA C:

25

MARAGAGUTE:

80

KHETHEKANYO YA A: RUBRIKI YA U TOLA MAANEA A LITHERETSHA – MBUDZISO NDAPFU: VHURENDI [MARAGA 10]

Khritheria	Vhukoni ha nthesa	Tshikili Tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU	8-10	6-7	4-5	2-3	0-1
Tsenguluso ya thoho Tshidziki tsha mafhundo/u khwathisedza nga vhu ^{tanzi} na kupfesesele kwa tshibveledzwa MARAGA 7	- Tsenguluso yo nwelelaho ya thoho - Mbuno dzo angalalaho dzi gobolaho; hu na khwathisedzo yo diaho u bva kha tshirendo - U pfesesa ha nthesa ha lushaka lwa li ⁿ walwa (vhurendi) na tshirendo	- U sumbedza u pfesesa na u sengulusa thoho nga ndila yone - Phindulo ndi yo faredzaho zwidodombedzwa zwi khagala - Mbuno dzi pfadzaho dzo nekedzwa, naho dzinwe dzadzo dzi songo tou tikedzwa u swika benefho - U pfesesa ha lushaka lwa li ⁿ walwa (vhurendi) na tshirendo	- Tsenguluso i fushaho/linganelaho ya thoho - Hu na dziniwe mbuno dzavhu ^d i dzi tikedzaho thoho - Naho dziniwe dza mbuno dzo tikedzwa, hu di vha na vhu ^{tanzi} vhu sa tendiseiho - U pfesesa ha mutheo ha lushaka lwa li ⁿ walwa (vhurendi) na tshirendo	- Tsenguluso ya thoho i sa fushi - Hu na tshaedzo khulwane ya mbuno dzi tikedzaho thoho - Kupfesesele kwa fhasi kwa lushaka lwa li ⁿ walwa (vhurendi) na tshirendo	- A hu na u pfesesa ha thoho - A hu na thikhedzo u bva kha tshirendo - Mugudi ha na ndivho ya lushaka lwa li ⁿ walwa (vhurendi) na tshirendo
TSHIVHUMBEO NA LUAMBO Tshivhumbeo, thevhekano i pfadzaho na ku ⁿ ekedzelwe kwa mafhundo Luambo, thouni na tshitaila two shumiswaho kha maanea/phindulo ndapfu MARAGA 3	- Tshivhumbeo tsho lunzhedzanaho tsho ^{the} - Mbuno dzo lundwa tshidele nahone dza bveledzwa zwi khagala tsho ^{the} - Luambo, tshitaela, na thouni two vhibva, zwi a tokonya, nahone two lulama - A hu na vhukhakhi vhu vhonalaho ha girama, mupele ^{to} na zwiga zwa u vhala	- Tshivhumbeo tshi re khagala na mbuno dzi tevhelelanaho lu pfadzaho - Thevhekano ya mbuno i a pfadza - Luambo, thouni na tshitaela vhunzhi two lulama	- Hu di vha na vhuniwe vhukhakhi ha tshivhumbeo - Maanea/Phindulo i shaedza thevhekano yo fhateaho ya kupfesesele na ndunzhendunzhe - Luambo lwo faredza vhukhakhi vhu si gathi, thouni na tshitaela hunzhi two tea	- Tshivhumbeo tsho pulaniwa lwo khakheahlo - Mbuno a dzo ngo dzudzanywa lu pfadzaho - Vhukhakhi ha luambo vhu khagala - Thou ni na tshitaila a two ngo tea	- Tshivhumbeo tsho khakheahlo - Vhukhakhi vhunzhisa ha luambo na tshitaila
MARAGANYANGAREDZI	8-10	6-7	4-5	2-3	0-1

KHETHEKANYO YA B NA C: RUBRIKI YA U TOLA/MAKA MAANEA A LITHERETSHA – PHINDULO NDAPFU: NGANEA NA DIRAMA [MARAGA: 25]

Khritheria	Vhukoni ha n̄thesa	Tshikili tshone	Vhukoni ha vhukati/ho linganelaho/vhu fushaho	Vhukoni ha fhasi	U sa kona
ZWI RE NGOMU	12–15	9–11	6–8	4–5	0–3
Tsenguluso ya thoho Tshidziki tsha mafhundo/u khwathisedza nga vhułanzi na kupfesesele kwa tshibveledzwa	- Phindulo ya mathakhethakheni/n̄thesa: 14–15 Phindulo ya mathakheni/n̄tha: 12–13 - Tsenguluso yo nwelelaho ya thoho - Mbuno dzo angalalaho dzi gobolaho; hu na khwathisedzo yo dziaho u bva kha tshibveledzwa - U pfectesa ha n̄thesa ha lushaka lwa liñwalwa na tshibveledzwa	- U sumbedza u pfectesa na u sengulusa thoho nga ndila yone - Phindulo ndi yo faredzaho zwidodombedzwa zwi khagala - Mbuno dziñe we dzi pfadzaho dzo nekedzwa, naho dziriwe dzadzo dzi songo tou tikedzwa u swika henehfo - Hu na vhułanzi ha u pfectesa lushaka lwa liñwalwa na tshibveledzwa	- U pfectesa thoho lwo linganelaho/hu songo godombelaho; a si zwe the zwitalusi zwe dodombedzwaho - Hu na dziriwe mbuno dzi tikedzaho thoho - Maiwe makumedzwa o tikedzwa, fhedzi vhułanzi a vhu tendisei tshifhinga tshothe - U pfectesa liñwalo na tshibveledzwa hu songo fhelelaho	- U pfectesa thoho lwa u tou phuphuledza; a hu tou vha na zwiñe we zwitalusi zwe senguluswaho nga vhudalo - Mbuno thukhu dzi tikedza thoho - Makumedzwa a tshimbilelanaho ndi matukułuku - U pfectesa hułuku ha liñwalwa na tshibveledzwa	- U pfectesa hutukutuku ha thoho - Ndingedzo yo rembedaho/i songo khwathaho ya u fhindula mbudziso - Makumedzwa ha tendisei na kathihi - Mugudi ha na ndivho ya lushaka lwa liñwalwa kana tshibveledzwa
MARAGA 15	8–10	6–7	4–5	2–3	0–1
TSHIVHUMBEO NA LUAMBO	- Tshivhumbeo tsho lunzhedzana tshothe - Marangaphanda na magumo ndi zwa n̄thesa - Makumēdzwa o vhekanywa zwavhuđi nahone a bvededzwa zwi khagala - Luambo, tshitaela, na thouni zwo vhibva, zwi a Łokonya, nahone zwo lulama	- Tshivhumbeo tshi re khagala na makumedzwa a tevhelelanaho lu pfadzaho - Marangaphanda na magumo na dziñe we phara zwo dzudzanywa nga ndila yo faranaho - U tevhekana hu pfadzaho ha makumedzwa - Luambo, thouni na tshitaela hunzhi zwo lulama	- Hu na vhuñe we vhułanzi ha tshivhumbeo - U pfadza na ndunzhendunzhe zwi di vha hone, fhedzi zwe faredza vhukhakhi - Hu na vhukhakhi vhu vhonala ha luambo; thouni na tshitaila hunzhi zwo tea - Phara hunzhi dzo lulama	- Tshivhumbeo tsho pulaniwa nga ndila yo khakheaho - Makumedzwa ho ngo vhekanywa nga ndila i pfadzaho - Vhukhakhi ha luambo vhu khagala - Thouni na tshitaela a zwo ngo tea - Phara dzo khakhea	- U shaea ha tshivhumbeo tsho pulaniwa zwi khakhisa thevhekano ya likumedzwa - Vhukhakhi ha luambo na tshitaila zwi itisa uri phindulo iyi i kundelwe u swikeela - Thouni na tshitaela a zwo ngo tea - Phara dzo khakhea
MARAGA 10	20–25	15–19	10–14	5–9	0–4
MARAGANYANGAREDZI					